

Cinzdangz Gih: Aeu Song Vah Doxdax Coi Yungzhab

覃塘区：双语比赛促交融

Mboengqxneix, Gveigangj Si Cinzdangz Gih guh bi 2021 doxdax son'gyauq Sawcuengh. Hozdung faen guh song cuj, aen cuj siujyoz youq Gujsanh Siujyoz banh, aen cuj cuhcungh cix laeng Minzcuz Cunghyoz gawjbanh, gungh miz 13 boux lauxsae camgya.

Gyoengqde hwnjdangz beij gijmaz ne? Miz gij saeh mizyinx mwh iq de, fwen, gojgaeq daengj. Gyoengq lauxsae aeu guhcaemz, yienj heiq, doiqciengq, cuengq sing doeg daengj bae yinx gyoengq lwghag engq haenggyaez hwnjdangz. Bineix 4 nyied daej, Cinzdangz Gih gaenq banh le bi 2021 lwghag doxdax aeu Sawcuengh, Sawgun raiz faenzcieng, gungh miz 64 boux lwghag camgya.

Gyawj geij bi neix doxdaeuj, Cinzdangz Gih roengzrengz hwngfat song vah son'gyauq, bibi cungj dinghgoenz guh doxdax son'gyauq Sawcuengh caeuq aeu Sawcuengh, Sawgun raiz faenzcieng. Hawj daihgya gag maij hag, yung song vah, hawj gyoengqde daj "heuh gou hag" bienqbaenz "gou maij hag", hwngfat aeu Vahcuengh, Vahgun ma son'gyauq lwghag, caiq coicaenh minzcuz doxgiet, hawj gak minzcuz doxhuz doxndei, caez hwngfat guhhoengh.

(Luz Gingfungh Veiz Libingz / 陆庆峰 韦丽平)



▲Bouxlauxsae cuj cuhcungh cingq hawj lwghag hwnjdangz.



▲Gyoengqvunz caenn dang sawq daemceiz.

Lozcwngz Vanzgyangh Caez "Eu" Fwen Doxgiet

罗城环江共“唱”团结歌

5 nyied 20 hauh, Lozcwngz Minzcunghgiz caeuq Vanzgyangh Minzcunghgiz cujciez gak cuz ganbu vunzlai bae Lozcwngz Suivugiz, Daihngieih Siujyoz, Mbanjgaeuq Sizveiz daengj ngonzyawj le doengh aendieg guh yienghndei minzcuz doxgiet baenaj. Hozdung guh saed guh laeg le gij hongsaeh minzcuz doxgiet baenaj, coicaenh gak minzcuz doxyau, gyauliuz, yungzhab.

(Luz Yen / 卢现)

Sihlinz Dezbiz Sizhuz Hai Dwk Hoenghhwd

西林铁皮石斛花开正盛

"Seizhah, dezbiz sizhuz youq gwnz faexcinghgang hai dwk nauhyied dangqmaz, gou siengj hawj vunzbiengz cungj rox Sihlinz raeuz miz gij doxgaiq ndei neix!" Dwng Gvanghyungz bouxguenjieix aen Dieggoek Ndaem Dezbiz Sizhuz laeng

Sihlinz Yen Bujhoz Myauzcuz Yangh haenx cingq ingj sibinz fat Doujyinh. Geij bi neix, Sihlinz hwngfat canjnieb Dezbiz Sizhuz, hai ok diuz roen aeu hwngfat swnghdai bae guhhoengh lajmbanj ndeu.

(Lij Sivaz / 李世华)



▲Dwng Gvanghyungz cingq ingj sibinz fat Doujyinh.